


صَبِيح

﴿ تاريخه مستند حكايه ﴾


محررى :

ابن الامين

محمود كمال



معارف نظارت جليله سنك [۳ رمضان سنه ۱۳۱۵ و ۱۳ كانون ثانى سنه ۱۳۱۳ تاريخى و ۶۸۲ نومرولو] رخصتنامه سيله طبع اولمشدر .



عصر غزته سنده تفرقه صورتيله نشر ايدلگدن صكره غزته اداره سى طرفندن كتاب صورتنده طبع اولمشدر .


سَيِّلانِيكْ

عثمانلى - عصر مطبعه سى شركتى - صبرى پاشا جاده سى نومرو ۱۲۱

۱۳۱۶







— ۱ —

ھجرتك برنجی عصری کہ — دین مبین محمدینك برسرعت
خارق۔ العاده ایله نور سحر کبی دنیانك اوج بیوک قطعہ سنہ
شمعہ نثار سعادت اولدینی بر قرن کزیندر — فرقه ناجیه
محمدینك اوروپاده ، آسیاده ، آفریقاده ساحه آرای حصول
اولان فتوحات عظیمه لری او دین متینك الی یوم القیام دوام و
تنویر جنان انام ایده جکنه عادتاً براعت استہلال اولمشیدی .

سرآمدان مجاہدین اسلامیہ دن (موسی بن نصیر)
آفریقای شمالیده « موریتانیا » بی ضبط و « طنجه » شہرینی
مرکز اتخاذا ایدرک او حوالی بی کاملاً بر آوردہ قبضہ
تسخیر و اعدای دینی تدمیر ایله بحر محیطہ طیامشیدی .

(طارق بن زیاد) یکرمی بیک عسکرله سبتہ بوغازینی
کچرک عموم اسپانیا قطعہ سنی و قرالک مقرر حکومتی اولان
« طلیطلہ » شہر جسیمنی فتح ایدرک بر حکومت معظمہ تشکیلنه
ھمت و ذھا ایلروید حرکتله پیردنه طاغلرینی آشہرق اوروپا
حکومتلرینی لرزدناک دھشت ایتمش ایدی .

اندلس وکیل حکومتی «ایوب» فرانسه‌ده واقع «ارپونه» و «قرقشونه» شهرلرینی آلدینی کبی دیگر قولی ده «مایورقه . مینورقه» اطهرلرینی استیلا ایلمشدی .

هندستانه کوندریلان جنود موحدین صولت شیرانه لرپله هندغرنی و شمالی بی فتح ایله مشغول ایکن چیندن کلان فرقه معاونه ایلك مصادمه‌ده هندایلرله برابر زیر و زبر اولدقلریچون افراد مسلمین بر سیل مهاجم کبی (مولتان) صحرالرینه روان و نائل غنائیم بی پایان اولمشلردی .

(مسلمه) قومانداسیله دا بقدن استانبوله کوندریلان یوز یکریمی بیك قهرمان قسطنطنیه قلعه‌سینی برآ و بحرآ اوج آی محاصره ایله بیزانس ایمپراطورینی تهدید و او بلده طیه‌نک بر زمان صکره فتح ایدیله جکنی — برنشانه بشارت اولمق اوزره انشا ایتدکاری — عرب جامع شریفی ایله‌ده تأیید ایلمشلردی .

خراسان والیسی (قتیبه بن مسلم الباهلی) آسیانک اک صعب‌المروور طاغلرینی ، دردرلرینی ، شهرلرینی کچهرک ترکستان قطعه‌سینی باشدن باشه استیلا وهر کون بر مظفریت فوق‌الماده یه نائلیتله احراز شرف لا- یحصا ایدیوردی .

ایشته تعداد ایتدی کمزغزاة ناجیه ایله سائر مجاهدین اسلامییه سیف صازم عدالتلری سایه‌سنده اعلائی کلمه الله العلیا و — نیجه عصرلردن بری بهیمیته انقلاب ایش اولان — انسانی یکیدن احیا ایلدیوردی . شو حالده که او مردان الهی — سائقه جهالتله شوره زار ظلم و عدوان حالتی کسب ایدن — کره زمینی ابر رحمت کبی کلزار

بهشتی به نحویل ایدیورلردی . ظلمت آباد کسین بلادی شمس
 عالمتاب کبی انوار فیضا فیض ایچنده براقیورلردی .
 آه مظلومان عرش اعلایه ایرشمشده کندیلرینه امداد ایچون
 برر ملك الصیانه مقامنده انزال ایدلمش کبی — هر بری مثال مجسم
 عدالت، هر بری هیکل مشخص انسانیت اولان — جلادت پروران
 عرب طی زمان. طی مکان ایدرجه سنه ربع مسکونک شرقه، غزبنه،
 شمالنه، جنوبنه برق خاظم کبی یتیشه رک، کوك کبی کورلیه رک،
 رحمت کبی صاحبیه رق شمشیر نجدتلیله ظالممرك جانلرینی یاقار،
 خاتمانلرینی بیقار، کربیه مظلومان کندی قانلریله تنظیر ایدرلردی .
 ایشته احوالندن بحث ایدر جکمز : صیح « غبطه فرمای قرون
 اولان بو عصر مقدسک یتیشدیردیکی اعظم امتدندر .

— ۲ —


بهار — که مواسمک اک لطیف بر دورده سی، اک فیض نثار —
 بر دم خجسته آثاریدر — فیاص قدرت بو موسم فرخنده اثرده
 بدایع خلقتنه تازه جان ویرر . عظمت خالقه برهان اولان، برکسوؤ
 ظریف خضرایه بورین چمنستان، دقیقه بینان عوالمی حیران ایدر .
 آهنگ لطیف مرغان انسانلری رقصان ایدر .
 هر سودن جوشان اولان صدای هوی وهای، هر طرفدن
 عکس انداز اولان نوای ارغنون ونای ذوق پرستان حقیقتی سرمست صفایلر .
 هله خطیب غرام اولان عندلیبک مصطبه کل اوزرنده صلاح
 عشاقه ابلاغ ایتدیکی خطبه بلیغه اعجاز نثار کلبانک طیوره انضمام
 ایدنجه جهانی جدآ ترانه زار ایدر .

چاڱليانلرڪ حزينانه آقيشى — بر عاشق ماتم زده نڪ كوز ياشلرتي
 تنظير ايله — قلوب رقيقه اصحابي وجده كتير. ازهار كونا كونا
 آرايش رنگا رنگيله رونمون اوله رق حسيات عاشقانه يي تهبيج ايدر .
 شمس عالمتابه قارشو دهن كشا اولان كللرڪ سينه سيمينه التجا
 ايدن ژاله لر — كه بر عاشق صادق ديدلرندن اجرا و جاناننك
 كوكلنه القا ايتديكي قطراتك عادتا بر نمودج بديعيدر — رونق بهاره
 بشقه لطافت ايراث ايدر .

صانع لم يزلڪ كمال قدرتنه بر كوچك نمونه اولان وعينتي تصويردن
 اك بيوك رساملري عاجز براقان او دنك آميز، لطافت انگيز كلبلرڪ
 ورد خندانه هجوم و دروننده جاني كبي صاقلاديني شبنملري نوش ايله
 حيات جاوداني بولمغه، زواللي كلڪ خنده انبساطني كريبه تاثره تحويل
 ايلمكه تحريك شپرغيرت ايلملي هر قلبه حزنله مزوج براح روح
 افزا بخش ايدر .

§

توصيف ايتديكمز شوموسم ربيع الجنده اك لطيف، اك روحاني
 بر صبح ذي صفا تصور بيورلسون . نيسان قطره لري جهاني لبريز
 سرور ايلمش ، كللر ، سنبللر ، ارغوانلر ، ريحانلر ، بنفشه لر ،
 لاله لر ، ياسمنلرڪ هواي نسيميدن طويلايه بيلدكلري شبنم دانلري
 — بر يشيل اطلس اوزرينه سريلمش ريزه الماس كبي — پارلامغه،
 غنجه لرك دهان تبسمي آچيلمغه باشلامش ، بلبللر — جنتده ترنماز
 اولان بر ارغونونه پيرد اولمشجه سنه — بر نغمه روح افزا ايله سامعه.



نواز اوليور .

ابر سحر بو عالم نشاطه مفتون اولمشده تماشاسيچون هر دقيقه
بر رنگ آتئين ايچنده موجه ريز اوليور .

كلبكلر حسيات عمومييه تر جان اولمشده آفتاب جهان آرايه
خطاباً « معشوقه خاكدانسك سن : انواريكی صاج بو خاكدانه »
زمزمه سيله سمايه طوغري اعتلا ايدييور .

شمس تابانك — جامه سبزينه بورنمش اولان ذروه جبهه تهاجم
ايدن سحاب پارهلري ياروب غضنفرانه — طلوع ايتمه اوغراشديغني
كورنلر او مهر عالم فروزك فرشتگان اعلاي علميني بو سور سروره
دعوت ايتديكنه قائل اولورلردى .

ايشته « صبيح » ، او صيادلقلوبده بو دم خرمدنه ازهارك
كشايشيله ، شمسك طلوعيله برابر — هلال شفق كي — پرتوبار
عالم شهود اولدى .

— ۳ —

صبيح، شامده بر بيوك خاندانه منسوب ايدى . تربيه سنه ،
تحصيلنه بك زياده اعتنا ايدلديكي كي قوم نجيب عربيه مخصوص اولان
فضتت فوق العاده كنديسنده كاليله تحلي ايمش اولديغني ايچون بو طفل
ذكي ده اوان صياوتنده بيله دنيا لري بر حر كتله تسخير ايدم جك
درجده مهارت عسكر ييه ، جهاني پارماغيه اويناته بيله جك مرتبه ده
معلومات سياسيه يه ، طبيعتك خارجنده اختراعاتده بولنه جق قدر ثروت
علميه و قدرت فكريه يه مالك بولنان اصحاب نجيدت و معرفتله هم بزم

الفت اولمق اقتدارینی حائز ایدی .

فقط قدرت فاطرنك بر قاچ عصرده بر قاچ مثلنی کوستردیکی بو مثللو اذکیانك همان عمومنده مشهود اولدینی وجهله (صیخ) ده دائمی بر حزنه مستغرق ایدی . عالم انزوایه چکیلدیکی زمانلر شویله طورسون خلق ایله اختلاط ابتدیکی وقتلر بیله فکری دائماً مشغول ، وجهی دائماً محزون کورینوردی .

فکری ، املی انسانیته خدمت ایتک و نفع ناس ایله خیرالناس اولمق مزیتینی احراز ایلمکدن عبارتدی . مشغولیت ذهنیه سی ده بوندن تولد ایدیوردی . سراپا بر نور مجسم اطلاقه سزاوار اولان وجود لطیفنه مد نگاه ابتصار ایدر ، تصورات عالیه سی موقع فعله قویه جق درجه ده بدناً ، حالاً بر اقتدار کوره مینجه یأس عمیق ایچنده قالیر ، جهان پیش نظر حکمتنده ظلمت آباد بر زندانه تبدل ایدردی .

§

صیخ ، بخشایش قدرت اولان کیاست و کالات فوق العاده ، محاسن اخلاق کی بر جوق مزیات مبعاهدن بشقه ملکه الجمالی ده ولهزده عقل و شعور ایده جک درجه ده بر حسن خارق العاده نك صاحب کالی ایدی . دنیاده نه قدر محاسن وار ایسه جمله سی جمع ایتمش اولان پنبه به مائل بیاض ، صاف چهره سی ، شاعر لرك بو یولده کی تخیل لری مبالغه به حمل اولتماز ایسه يك نظرده الك متحسس قلب لری محو ایتکة مقتدر اولان اوخمور کوز لری ، هلاله ده غبطه فرما اولان ابروانی بر شاعر بدایع پرستی :

« فادر لحاظك في محاسن وجهه » « تاقى جمع الحسن فيه مصورا »
 « لوان كل الحسن يكمل صورة » « ورأه صار مهلاً ومكبراً » {۱}

كلبانا كيله جذبه دار ايتك شانندن ايدى .
 صبيحك كال جمالنى تعريف ايجون او كروى زباني ينه كنديسنه
 تشبيه ايتك لازم كبير .

اوت ! صبيح كوزلدر . ينه كنديسى قدر كوزلدر . جمالك
 صوك درجهسى ، روح جمال اولان جاذبه نك حد غايهسى ينه او وجه
 صبيحده ، او عارض مليحده متجلى كورينور .

صبيح ، نور مجسم ايدى . كويا كه مایهسى نور ، دایهسى نور ،
 حیاتى نور ، غداسى نور ، كوش آينه لرى هيچه سايديران جسم
 لطيف ده انوار ايجنده ناشقه جه بر نور ايدى .

دقيقه ده بيك لطافه غرق اولور ، بيك زنكه كيرر ، آرايش
 رنگا رنگيله ، شعاعات زرينيله جوانبى ده نورلره ، شوقلره غرق ايدر ،
 نگاه حیات فزاسنه مصادف اولان هر شوره زار بهشت آباد كسيلير
 ايدى . حاصلى بو آفت مه جينك درجه آنى تعين ايجون (كوزل)
 كلسندن بشقه هيچ بر لفظده قوت بوله مامقده يز . بناءً عليه اويله

{ ۱ } ابن فارض حضرتلرينك آثار جیده بليغانه سندن اولان بو قطعه غرايى
 نظماً شو بولده ترجمه ايتشيدم :

- « بر نگاه ايله حبيك وجه پرتو بارينه »
- « آنده بيك درلو محاسن ايلمكده انجلا »
- « هر لطافت طويلانوب تشكيل ايدرسه برمك »
- « سير اينجه دلبرى تكبيره ايلر ابتدا »

بر بدیعہ قدرتک توصیفہ قالمشمق بر ادیبک دیدیکی کبی « غنچهی
نفسله آچغه چالیشوبده صولدیرمق قیلندن اوله جیفیچون » او تمثال
ملاحظتک تقدیر جانی قارئینک فکر وخیالدرینه حواله ایله اطناپ مقال
ایله مدک .

§

صنع قدرتک نمودج بدایع نثاری اولان جمال نه قدر تبجیله سزا
ایسه وهاب کریمک بخشایش عال العالی اولان کمال دهها زیاده تقدیسه
بجادر . دقیقه ینان عوالم عندنده وجه صبیحنی نور عرفان تنویر
ایدن بر اهل کمال ، عذار کلکوننده شعله طراوت جوال اولان بر
مالک کنجینه جماله البته تفوق نمادر .

زیرا رونق بهاره مشابه اولان جمال قرین زوالدر .

فقط شاهد دلپذیر کمال ایچون اوله بر نقیصه محالدر .

ارتق صبیح کبی جمالی ده . کمالی ده نفسنده جمع ایتمش . هر
ایکیسندهده حقا که تفرد ایلمش بر نادره روزکاری توصیفه قالمشمق
بزم کبی عاجزلرک کاری دکلدرد

— ۴ —

صبیح دائمی بر حزنه مستغرق ایدی دیمشدک . انفعالات ذهنیه
سی خروشان اولدینی دملر آفتابهده غبطه رسان اولان عذار دلپذیری
— سحائب مظلمه ارمسنده قالمش کونش کبی — بر رنگ حزن آمیز
استیلا ایدر ، او بایغین کوزلری سایه منعطف اولورده کویا که سکنه
سماوات ایله تعاطی افکار اییدیورمشجهسنه بر منظره روحانیه
تشکیل ایلردی .

محاسن اخلاقی ، کمال عقل و فطاتی سایه‌سندہ محافل اکابرہ صوڪ درجہ دہ مظہر حرمت اولور ، خیر و مرونتک بو مثللو وجوہ مایحہ استحبابندہ آراندلمسی حقندہ کی حکمتہ واقف اولوبدہ کندیسنه مراجعت ایدنلره کرک فکراً ، کرک فعلاً ابراز معاونتہ یاد جمیل افواہ قدر شناساندہ فرط تعظیمہ دوران ایدردی .

وقتا کہ تحصیاتی کمال ایله شمعی بہ قدر بیکانہ بولندینی جمعیت بشریہ بہ قاریشمغہ باشلادی ، پدر حکمتپروزی طرفدن بالذفات حضور خلیفہ بہ تقدیم ایدلدی . خلیفہ (ولید بن عبدالملک) کہ ملوک مروانیه نک فتوحات و غلبات جهانگیرانہ ایله شہرت یاب اولان مشاہیر اعاضمندن و میل معالی ، حب کمال کبی بر چوق خصائص برکزیدہ ایله اتصاف اتمش اکابر امتدن ایدی ، صبیحده کوردیکی انواع فضائلہ و اوضاع ادیبانہ بہ جدأ حیران اولدی . ایلرودہ اعظم ملت صرہ سنہ التحاق ایله دینہ ، دولته پک بیوک خدمتله عرض ایتمکہ قادر بر مرد بزرگوار اوله جغنی تقدیر ایله هر زمان مجلسنه دوام و تزئید کالاتہ اقدام ایتسنی امر بیوردی . آرہدن پک آز زمان کچدکدن صکرہ نحت نظارتندہ تشکل ایدن بر مجلس عالینک ہیئت تخریر یه سنہ دہ الحاق ایتدی .

صبیح کہ — هر درلو قید علائقندن میرا بر مرد فرد ذی ذکا ایدی — خلیفہ نک شو التفات مزیت شناسانه سنہ قارشو ممنون و متदार اولسی لازم کلیرکن بالعکس صوڪ درجہ دہ دلفکار اولدی . چوجغک شو حرکتی وهلة موجب استغراب اولور . بلبلک لحن لطیفی ایله تشنیف صماخ انبساط ایتک ایچون او

بچاردی بر قفسه حبس ایلمک نه قدر حقمزقدر ! . . ایسترسه
 او قفس التوندن معمول ، الماسلرله . یا قوتلرله مزین اولسون .
 زواللی بلبل ایچون یینه اسارت باقی دلکی؟ مادام که او . کندی عالنده
 یشامق ، ایستدیکی کبی نغمه ساز اولمق ، کلاری قوقلامق . ژالدری
 نوش ایتمک ایچون یرادلشدز؛ آتی کندی حالته براقیق ایجاب ایدر .
 صیبحده غنلیب مشرب یرادلدیغندن کندیسچیون بر نقطهده طور-
 مق قابل اوله مزدی .

چونکه زکاوت مفرطه اربانی دائماً کندی عالمرنده یشامق ایسترله .
 بناءً علیه خلیفه نك بو باده کی لطف و توجهنه تشکرله برابر محزی ،
 جهلی . صغرسنی . تجربیه سزلکی ایفای وظیفه مانع اوله جغیچون
 عفونی استرحام ایتدی . لکن پدرینک اجباری . ولیدکده اصراری
 زوالی چوجغی مضطر براقدی .

یکدیگرندن مقدس اولان بو ایکی امر واجب الاطاعه یه قارشو
 اراءه روی مخالفت بالآخره معنأ ماده منتج وخامت اوله جغنی
 سنجیده میزان تدقیق ایله چاروناچار موافقت کوستردی . کونش —
 ضلوع ایتدکن صکره — انوارینی کتمه مقتدر اوله مدیعی کی او
 بارقه ذکاده برتو دلفروز کالندن اصحاب آرای جذا مستفید و خلیفه
 نزدنده کی قرر و قیمتی ده کوندن کونه تربید ایدردی .

فقط فکری ، خیالات شاعرانه سی بشقه طرزده ، امل و آرزوسی
 بشقه یولده اولدیغیچون بو خدمتی که — ترقیات آیه سنی
 تأمینه کافی ایدی — بر بارفوق العاده عد ایدرک کریه بار تاثر اولوردی .
 خلیفه که — حقیقه نظر حکیم صاحبی ایدی — چوجغک افکار

واطوارینی چوجقلمغه دکل، حدت ذکاسنه حمل ایله قبلأ ممنون اولور و ممنونیتی کتم ایله بیک درلونصالح حکیمانه ایراد ایدر. دنیایه کلیکدن مقصد ابنای نوعنه و جهان انسانیتنه خدمات مبروره عرضیله ابقای نام و مزرعه آخرت اولان شو عالم فانیدن صفرا لید اوله رق کیتامکه اهتمام ایلمکدن عبارت بولندیغنی برطرز اعجاز کارانه ده صبیحک روی زمین قدر واسع، بحار کبی عمیق اولان قوه مفکره سی اوکنده تجسم ایتمیرمکه بذل ورزش ایلردی .

نهایت بو چوجقلمغه کوردیکی استعداد خارق العاده دن لایقیله استفاده اتمک ایچون عالم تجربه یه — که آدمی آدم ایدن او عالمدر — سوق و هیج بر شیله ضبطی قابل اوله میان او آتشاره فطنتی علائق و غوائل دنویبه ربط ایلمکه قرار ویردی . لکن کرم و سیرد روزکاری او کرمک کریت غربتی اختیار اتمکه و جاشنی سنج مرا- رت حیات اولمغه متوقف بولندیغنی ولید پک اعلا بیلیردی . بو جهته اولادی درجه سنده سودیکی صبیحی بویه دواهی ایچنده کورمکی آرزو ایتزدی . فقط بر زر خالص العیاردن انتفاع آتی حبس اتمکله دکل ، دائما ایادی تداوله کزدیرمکه حاصل اوله جغنی لایقیله تقدیر ایدردی . بو سببله صبیح کبی بیک خزینیه مرجح اولان بر معدن کمالی ده عالم ازواده چورتمک ایسته مزدی .

بناء علیه رفیق شفیق (حیب) ایله برلکده — او ائناده ترکستا- نک فتحیله مشغول و دنیانک اک بیوک آدم لردن معدود بولنان — (قتیبه بن مسلم الباهلی) نک نزدینه اعزام ایلدی . چوجق کندی جگر پاره سی حکمنده بولندیغیچون حقدده آکا کوره معامله

ایدلسنی و کندیسنہ عادتاً مشاور خاص نظریہ باقلمسنی صوت مخصوصہ امر ایتدی .

— ۵ —

ولید بن عبدالملک کہ — بالادہ دخی بر نبذہ بیان اولندیغی اوزرہ — کالات متنوعہ انسانیدہ حائز قصب السبق امتیاز اولمش دہاۃ عربدن ایدی ، عصر اول مجریدہ بر برینی متعاقب یتیشان و دائرہ اسلامی عقلت احاطہ ایدہ میہ جکی درجہ دہ توسیع ایدن مبارزان امتک الکریدہ لرندن بریدر . عظمت شانی تعدادی مجال بر چوق آثار ایلہ اثبات ایلدیکی کی مطلع دین مین اولان حجاز مغفرت طرازہ — خامس چهاریار کزین عد اولنان — عمر ابن عبدالعزیز حضر تبری کی بر شمال مشخص عدالتی والی و دہا صکرہ او ذات واجب التکریمی ملجاء عالی ایتسی دہ بیوکلکنک دلائل باهر دستنددر . زمان فوز اقرانندہ — کہ او زمان دو . فتوحات اطلاقہ شا . یاندر — اندلس ، کاشغر ، ہند . سند قطعہ لرینک ضبطی و اسلامیٹک اورالہ قدر انتشاری طوغریسی اونودیلیر خدمتلردن دکادر . زمانندہ شوکت اسلامیہ واصل مرتبہ اقصی الکمال اولمشیدی . شوخالدہ کہ مجاہدین نصرت قرین دنیانک هر طرفندہ احراز فتوحات عظیمہ یہ صرف ماحصل قدرت و اسلام ایچون شو کرہ زمینی کافی کوردہ مدکلرندن دہا واسع بر عالم بولمق مقصد باندیله بحر محیطہ آت سوروب « الہی ! شو عمان بی پایان مانع مشی و سیران اولسہ اسم جلیلسکی دہا ایلرو یہ کتورردم . » طرزندہ کی اقوال علویت اشتہال

جهانگیرانه لرله دربالری ده ، طاغیری ده ، انسانلری ده ، حیوانلری ده لرزه ناک دهشت ایدن او اعظم امت بر اللرنده سیف عدالت ، بر اللرنده علم شریعت اولدینی حالده ربع مسکونی بر دینه ، بر حکومته تابع اتمک درجه لرنده غیرت ابراز و یالکز سکنه ارضی دکل ، سا - کنان عالم بالایی ده (اه اکبر) کلبانک ابجالکارانه سیله ده سازایدیور - لر دی .

خراسان والیسی قتیبه که — بوغزاة کرامک اک برنجیلری صره - سنه داخل و بلکه طوتدینی مسلك حمیت و عرض ایتدیکی حدسبز ، حسابسز خدمت نتیجه سنده جزای اعدام ایله مقابله کوردیکچون عالم عقباده شهسز هم دملرندن دها بیوک درجانه نائل اوله جقدر — آسیا اهالیسی عموماً اسلام اتمک ایچون بر طاقم فتوحات عظیمه ایله اشتغال ایدیوردی .

ترکستانه کوندریلن اردولر بر مظفریت تامه یه مظهر اوله مدقندن بشقه (مسلم بن هانی) نک اوتوز بیک مجاهدله عبده ادا نامک طعمه شمشیر غدیری اولسی ترکستان سردارلغنه قتیبه کی حماسه رستم پسندانسی مسلم جهان اولان بر هیکل نجاتک تعینی لزوهنی اخطار ایتدی .

مشار ایده آلدینی امر اوزرینه همان ترکستانه و حکمدارلرده دفع صائل ایده بیلیمک ایچون مدافعه یه شتاب ایلدیلر . سردار عالی تبار برنجی جمله ده متفقین اردولرینی تارمار و عسکرینی سر بزمین خاک هلاک اولان اجساد اوزرندن امرار ایدرک ایلروله دی . ابتدا اعظم ملوکدن (نیزک) اوزرینه هجومه مدافعه یه یلنن

فرقه لری پریشان و بیکند شهرینه توجیه عنان ایتدی . فقط انتظار ایلدیکی قوهٔ معاونه نك عدم ورودی و ذخیره نك ده فقدانی کندیتی پک زیاده متأذی ایتدیکیچون مسئله یی بر قانلی محاربه ایله بیترمک اوزره عسکرینی طوبیلایه رق شو خطبه یی ایراد ایلدی : { ۲ }

« ارقداشلر ! کوریورسکزکه دشمن درت طرفزی صارمش ، هپمزی احیایه نیت ایتشدر . بزم ایچون انخاذا ایدیه بک بر تدبیر وار ایسه اوده عنایت حقله طریق سلامتیزی اچقدردر . بوراده توقفله اعدامزک مهاجماتی اوکنده برر در دیارعدمه کیتمکدن ایسه ارسلانلر کبی جمله مز بردن هجوم ایدرک نائل شرف و شان یاخود کافه مز جام شهادتی نوش ایله داخل جان اوله لم . دینی سون ، ناموسنی محافظه ایدن آرقه مدن کلسون . » بوخطبهٔ بلیغه عسکرک عروق حیثیتی تحریک ایتیکله قهرمان شهامت عنوان سوک دفعه اوله رق دشمننه هجوم و عمومینی پریشان ایتدی . بو مظفریت اوزرینه برمدت ممالک مفتو-حه نك امر اداره سنی توثیق ایتدکدن صکره تکرار ترکستان سفریچون قلیچ قوشانه رق اوزمانک سطوت بردازان حکمدارانندن بولنان (کوربغا-نوبین) ک ممالکی اوزرینه بورودی . وقتنا که طرفین تلاقی ایتدی ، بر قاج دفعه چارپش-دقدن صکره غلبه یته اسلام عسکرنده قالدی . (کوربغا نوبین) استیامدن بشقه طریق سلامت قالمدیغنی اکلادیغندن خصم کریمک دامن مطاوعتته صارلدی . مناسب مقدار جزیه ویرمک شرطیله عقد مصالحه یه موفق اولدی . سردار ذیشانده کمال شان و

شرفله مقرر حكومتنه عودت و كماكان ترفيه احوال رعايابه نصب نگاه
دقت ايلدي . بو صرهده (صبيح) نديمي ، رفيقي ، يار وفاداري
حبيب ايله — كه بوده كنديسي كبي نوادر دهاندن اولوب آتیده
كوريله جكي وجه ايله يك چوق خدمتله ايتمشدر — برلكده خراسانه
مواصلت و طوغريجه قتيبه حضرتلرينك نردينه عزيمتله حامل اولديغي
امرنامهني اعطا ايتدی .

— ۷ —

قتيه — كه يك نظرده هر درلو سرائر قليبهي كشفه قادر بر
داهي ماهر ایدی -- صبيح ايله برنجي دفعه هم بزم الفت اولدقلىرى
دقيقهده جبهه تابنا كنده لمعه فروز اولان پرتو ذكادن چوجغتك نصل
برمرد فطين اولديغي تيقن ايدرك بويله بر رفيق صاحب كاله نائليتندن
طولاي آسيا قطعه سي اوزرنده كي تصورات عاليه سنى موقع فعله قويمش
و غايتنده موفقيت كامله يه مظهر اولمشجه سنه قريرالعين مباهات اولدی .
فقط وليدك امرى وجه ايله سلم عمرك هنوز اور سكرنجي
قدمه سنه پای انداز اولمش و كرم و سرد روزكارى تجربه ايتامش
بر چو جني دفعه اك بيوك برمقامه اصعاadden فائده يرينه مضرت كوريله -
جكنى تجارب عديده سي كنديسنه افهام ايتمش اولديغي چون بر كون
صبيح نردينه جلب ايله : « اوغلم ! صغر سنكله برابر حائر اولديغك
فضائل مالانهايه دن طولاي سنى عن صميم القلب تبريك ايدرم .
ان شاه قريبا دين و ملتتمزه خدمات مبروره عرض ايدرك دارينده
نائل سمادت اولورسك . لئكن — سنك كبي نظر حكمتى ماوراء

کائنات‌ه سیله منعطف اولان - بر فطمت مجسمه یه قارشو تعریفه حاجت یوقدر-
 که خدمت مقابله قزانلمیان شرف وسعادتك هیچ بروقنده مزیتی اوله-
 مازا ارباب بصیرت بو یولده توجه ایدن اقبالدن دائمًا محجانبیت ایدر لر. سن،
 کتیر دیکک امرنامه موجبنجه سرکاره اقعاد ایدله جک اولورسه ک بو،
 کندی محصول غیرت و خدمتک اولدیغیچون آندن تولد ایده جک
 شرف سکا دکل ، سنی او مقامه نصب ایدن ولیده عائد اوله جقدر .
 حالبوکه من غیر استحقاق اکتساب ایدیلان سعادتی و بوسبیله حصوله
 کلن متنی مردلک ادعا سنده بولنان هیچ بر انسان قبول ایده مز . بو
 نه یه بکزر بیلیر میسک؟ دوش دلالده کی متاع مستعاره . صاحبی کلوبده
 آئی استرداد ایده جک اولسه زواللی دلال صفرالید قالیر . متاع دائمًا
 انسانک کندی مالی اولمیدر . سن دیه جکسک که (بنم کالم وار ، لیاقم
 وار . اک بیوک خطیبری الزام ایده جک درجه ده ناطقه پردازم .
 بناءً علیه نائل اولدیغ شرف ، متاع مستعاره تشبیه اولنه مز .) اوت
 اوغلم اوله در ، اوله در اما یوز بیکلرجه عسکردن مرکب بر جسم
 اردونک ریاسته کچمک ایچون وجودی تحت وجوبده بولنان لایعد
 و لایحیی مزیات جلیله یه قارشو سنک کمالک جزء لایتجزا قیلندن
 قالیر . همده بزم اهلی بشقه ، رزم اهلی ینه بشقه در . هایدی بوندن
 صرف نظر ایدلم . بر کره سن فلاکت ، تجربه کور مامشسک . سنک
 کی ناز و نعیم ایچنده نشو و نما بولمش بر طفل نازنین وهله بر فلا-
 کته اوغراسه - تجربه سزلکی جهتیله - در حال محو اولور .
 حالبوکه مربی بشر اولان او ایکی خاصه یه مالک اولانلر زمین الت
 اوست اولوب کندیمی ده بو بلای ناکهانی اره سنده قالسه ینه فتور

کوسترمنز . علی الخصوص بر اردونک عنان اداره سنی اله آلمق و ایستدیکک جهته اماله ایتمک ایچون اواردویه قارشواقتخار ایده بیله . جک ولدی الحاحه کوستره جک برمزیتیه مالک اولملیسک . قاچ مملکت فتح ایتمک ، قاچ محاربه ده بولندک ؟ سینه کده قاچ دانه نشان مفخرت وار ؟ عسا کر شمیدیکی حالده سکا عادتا بر چوجق نظریله باقه جقلمر ، امریکه اطاعت ایتمیه جکلر . دقت ایتمک عسکر لیکک روحی اطاعتدن عبارتدر . خلاصه مسئله بی هانکی طرفدن محاکمه ایتمک سنی قور . تارمق ، یعنی تعیین اولندیغک مقامه اقعاد ایتمک قابل اوله میور . بن که حقیقت پرست بر آدم ، حکمتک قبول ایده میه جکی بر یوله حرکتله کندیمه مجنون دیدیرتمم . کتیردیکک امر نامه که — انفاذ احکامی بنجه فریضه دن معدوددر — فقط مؤداسنی نفس الامر مه مطابق کوره . میورم . بویله نظام موضوعی اخلال ایده بیله جک بر امری اجراده معذورم . اوغلم ! دنیاده خدمتسز همت اوله ماز . بیومک ایچون چالشمق لازمدر . ایشته سنی ده محضا بو فکره بناء ارقداشک (حبیب) ایله بر لیکده عسا کر خاصه افرادی صره سنه ادخال ایدیو . رم . یقینده جهاده کیده جکر ، بر کوچک خدمتکی کوردیکم حالده پک بیوک مکافات ایله مقابله ایدرم . سنک کی اذکیانک ترقیساتنه چالشمق بنم کی حمیت وطنیه ادعاسنده بولنان بر آدم ایچون وجیبه ذمتمدر . هایدی ، اه فیضکی مزداد و دارینده دلشاد بیورسون . »

ظرفنده بر نطق بلیغ ایراد ایتمکدن صکره برادری عبدالرحمانی چاغروب چوجقلمری اردویه کوندردی . صبیح تراکتی ، تربیه فطریه سی جهتیله قطعاً اثر اغبرار کوسترمدکدن بشقه نائل اولدیغی

تلطيفدن طولايي متدارانه تشكرلر ايتدی . فقط قلباً صوك درجهده
متأذى اولدی . وليدك مجلسنده كوردیكى احترامات فوق العاده يی و
بين الناس قزاندیغی شرف و اعتباری خیالندن كچیریر و شممدی اوغرا-
دیغی معامله ایله تطبیق ایدرده عادتاً جنتنده ایکن ناکه مان جهنمه
سوریلیمش بد بختلر کبی دوچار اولدیغی عقابی بر درلو تعدیل ایدده
مزدی . زواللی (حیب) ذاتاً فلاکت ایچنده بیویه رك دنیاك نيك
و بدی اكلامش و بر چوق آجی تجربه لر کورمش اولدیغیچون
اصلاً محزون اولدی . صبیحی متسلی ایدده بیله جك سوزلر سويلمكدن ده
کیری طورمدی . هله بر کون بیچاره صبیحك حسیات غریبانه سی
غلیان ایتیش ایدی ده درین بر سکوته غرق اولمشدی . (حیب)
کندیسنی دنه مك ایچون شو مهله کدن قاچوب قورتلحق فکرینی بر
تدیر یکانه اولق اوزره سرد ایتدی . مخاطبی کال تهورله « آفرین
عقللی چوجق ! عمومك ملجائی اولان مسکر اسلامدن فرار
ایدوبده حمیت ملیه کی آباق آلتنه آلمقدن ایسه کل بنم آیاغمك آلتنه
کیرده سنی خردوخاش ایدیم ، حمیتك نه دیمك اولدیغی سکا بالفعل
اکلاده ییم .» دیمسی اوزرینه (حیب) جداً ممنون اولدی . و برملت
معظمه نك محافظی اولان بویه بر هیئت عسکریه افرادندن بولندقلر-
یچون تأسف یرینه افتخار ایتك لازم کله جکنی بر طور مردانه ایله
بیان ایتدی . صبیح ایسه تأثرات واقعه سندن طولايي وجدانه قارشو
خجیل قاله رق وجه کلکونی قزاردی . کوزلرندن دوکیلان قطرات ده
یشقه برنك لطافت ارا نه ایتدی . رفته رفته عذاب الیم عد ایلدیکی
بو حالرده آلیشدی . وظیفه اصلیه سنی معشوقه وجدان اتخاذا